



~~G. H. 15.~~ EX BIBLIOTH.  
NATIONIS HUNGAR.  
VITEBERG.

W-35.

SIGNAT. CCCXIII.



GASPARIS ARNOLDI.  
HALLENSLEBII. SAX: M.

# GENETH- LIACVM.

Opera M. Io. Arnoldi Fr.  
recens editum:



HELMAE-STADII Excudebat  
IACOBVS LVCIVS Transyl:  
ANNO. Q. R. cl. l. xcl.



M : X : 2 . LIBR : HALLINSI : EBL :

## Epigramma.

**H**olle moras *ERATO*, lauruque viren-  
te benignè  
*CASPARI* nitidas cinge parata  
comas.

*Ille litans Phæbo Musisquè meretur honorem,  
Reddere quem Phæbus, quē dare Musa solet.  
O Veneres lepidiquè sales castiquè lepores!  
Qui vostam ingenuo iunxit in ingenio?*

Henricus Meibomius, Poeta  
Cæsarius, & in academia Iulia Helmæ-  
stadI professor ordinarius.





B.

QVOD. BENE. VERTAT. TOTI. GENE-  
ROSÆ. FAMILIAE. ET. PUBLICO. BONO.

F.

## PRO. SALVTE.

ADOLESCENTIS. NOBILISSIMI.

QVA. GENERE. QVA. VIRTUTE.  
CHRISTOPHORI. A. SCVLLEN-  
BVRGK. LAE. DEC. MAG. ET. PRAEP. HAVEL.  
ETC. FILII. ETIAM. PRAEPOSITI.  
ECCL. CATHED. HAVELBERG.

B. O. ET. P. O.

IN. SPEM. FRVGIS. OPT. AMPLISS.

## DICO. ET. VOVEO.

GASPAR. ARNOLDI. HALLENSL. SAX. M.

A. DEO. COEPISTI.

CVM. DEO. PERGE.

IN. DEVUM. FINIES.

A 2

GAS-

12



GASPAR ARNOLDI. HALLENSLEB:  
CHRISTOPHORO. A SCHVLEN-  
BURGK. LAEVI. F. Salutem dico.

**B**X quo tibi informando sum appositus, adolescens verè nobilis. simul prima ingenij tui exploramenta ceperam, nihil reliqui mihi faciendum putaui, quo te ad frugem, cùm generis tui splendore, tùm capse indole tuâ dignam omnimodis ducerem. Duram, hercules, prouinciam, dubium successum! manus tamen, secundum DEV M inuocatum, admotæ, nec vlli, si, quod res est, me dicere pateris, aut non inficeris tu, parsum operæ est. quin occasiones non modò neglectæ nullæ, sed sublectæ captataeq; vltrò. ab hac disciplinæ parte operas auspicari me meministi, in hoc easdem finire. sicubi in ipsis libellis sese adminicula ostenderent, cum curâ iterare, inculcare. postremò, si qua in cottidiano conuictu exempla occurrerent, dictis subiçere, accommodare. ab hoc more, quem micere, in disciplinæ legem valere nunc volo, isthuc, quod

quod offero,, mei in te studij & volentiæ argu-  
mentum est, hoc vno forsitan nomine com-  
mendabile, neq; aliorum tibi accipiendum.  
ab ingenio, arte, venustate dictionis aut nu-  
merorum nullam gratiam meretur, nullam po-  
stulat. nec res ipsa aut materies, absq; ista fini sit,  
quempiam lectorem inuitare, retinere aut ad-  
ficere possit. de quâ, vt pote cui cum puerο ra-  
tio est, hæc paucis admoneo: Totum poëma  
simplicis omnino argumenti, tripartitum fere  
est. Natalem tuum celebro. primò, prælufis  
paucis, de verâ natalis tui & solenni memoriâ,  
te, ex officio commonitum eo, idq; compen-  
dio planissimè. mox in dicto h. e. poëtico sche-  
mate natalitio, tamquam in speculo, propono  
exempla vitæ in plerisq; propinquis tuis, eximijs  
heroibus, quâ doctrinæ & virtutum omnem  
laudem, quâ meritorum in publicum bonum  
amplitudinem cum decenti horumdem in te  
beneficienziæ & amoris mentione, sed, quæ hu-  
ius ingenioli paupertas est & angustia, tenui.ad  
eaq;, beneficentiam dico & amorem, agno-  
scenda recteq; usurpanda te voco & hortor.  
Postremò, breue votum subijcio. breue, in-

A 3

quam,

18

quam, verbis sed longum epiphonemate. Cæ-  
tera viderint, quibus hæc leuicula nostra non  
sordebunt adeò, & legere sustinebunt. Tuū est,  
CHRISTO-FERE mi, quidquid huius est, non ad  
rem, quæ per exigua est, sed ad animum, qui  
quant' in te sit, cottidiè experiundo cognoscis,  
æstimare. id verò factum putabo, vbi ad horta-  
menta nostra animum aduorteris, & ad exēpla-  
ria ipsa te composueris. quo de, nisi quid huma-  
ni tibi contingere possit, nihil habeam dubita-  
re. neq; tamen, secus fore, adeò magnus etiām  
metus est, quin eum generosæ mentis tuæ fidu-  
ciâ facile tolerem. Si tamē, quod deprecor tibi,  
temporum hæ vices, ad quas animos quoq; &  
successus mortalium variè mutare, hoc aëre li-  
quidius est, spem nostram aut interpolabūt aut  
frustrabuntur, præter ea, quæ apud animum tuū  
iam deposita seruas, hoc censco, quantum id  
præcauere mihi curæ cordiq; fuerit, testimoniū  
luculentum vel in vulgus fore. Superi meliora!  
Vale, generose adolescens, &, quo in me fuisti  
hactenus, animum perseuera. Schochuitz  
hæredio tuo. a. d. Nonas Xbreis. Anno a. o. r.  
cl. cl. XIC.

GENE-



## GENETHLIA CVM.

**V**IX benè lassato deseuijt horridus arcu  
Phillyrides, iam cornua trux Caper ardua tollens  
Excipere hospitio Solem, tardosq; ingaleis  
Frigidus ignauâ longùm sub nocte morando,  
Occupat instaurare hiemem, brumamq; reducit.  
Iamq; gelu accensis dissoluunt acre caminis  
Prog; auris, quas æstiuaâ captauimus umbrâ  
Pigra veternos balant hypocausta vapores.  
Tum, modò quæ nitidos steterant imitata Smaragdos,  
Nostra niuent canis circùm montana pruinis,  
Angustisq; truces Boreæ nos vallibus artant,  
Vnde nec attiguos, fluuiio dirimente, Salingos  
Nec Mans-feldiacas est respectare fodinas.  
Cuncta rigent, morsuq;. Euri stringuntur acuto:  
Me nouus exacuit fero, quatit incola mentem  
Spiritus, insuetosq;. ciet vis enthea motus.  
Hinc animo spissas audax perrumpere nubes  
Cælitum inaccessâ fulgentem luce IEHOVAH  
Adspectu facili, & vultu ad mea vota sereno  
Contuor, ac DIs cuiq; suas Senionibus æquè  
Dispartiri operas. quâ Forte aut arte seorsim,  
Selectum pridem sibi, quisq;. procuret alumnum:  
Illinc virgineos vltro se pandere colles

Pimpleosq;

19

Pimpleosq; lacus, & brumæ nescia Pindi  
Visa mibi vere æterno gaudere vireta.  
Phœbi fana patere, vltrò sese omnia sancti  
Dedere mi secreta loci, totumq; fluento  
Phocidis, & Clariæ me aspergine tinguier vnde.

Mome, quid hēic frontem caperas? ecquid mibi nasum  
Liuide Rhinoceros scalpis? quid vana supinam  
Impius insimulas agitare insomnia mentem?  
Sic mibi sic vero esse lubet. cui nulla parantur  
Ista tamen. non hæ sortes, non voluitur ordo  
Is mibi fatorum. ab me, quo i natura nouerca!  
Quem Deus haut mensâ, dea nec dignata cubili est!  
Omne tuum est, generose puer. tibi nostra debiscunt  
Pectora. cor cœlum affectu suspirat amico.  
Deuouet hocce caput sese. tibi scandit aperta  
Cœli animus, captans rarae vadimonia frugis.  
Totag, ter trinis mens olim operata deabus,  
Nunc vni deuota novo se fuscitat igni  
Mortaleisq; astris certat componere Diuos,  
Omne tuum hoc. tibi nataleis dum pangimus ortus  
Totus it in numeros Helicon, adytoq; recluso  
Cynthius omne sacrum expromit, Musæq; volentes,  
Frundibus hibernæ lauriñs bederâq; decoræ  
Exornare nouis brumalia tempora fastis  
Instant, solennemq; tibi celebrare Decembrem.  
Si tamen indulgent tantum mibi prospéra Fortis  
Fata magistra tuae, nec tu grauis abnus, ample

In partem

In partem venisse spei, immaturaq; certo  
Gaudia præcipere adfectu. præsentis & instar  
Fortunæ. tenui fas est libare Camenâ:  
Hæc quoq; nostra puto, & fuerit satis, ut mala forsan  
Parca reapse vetet sperato messis opimæ  
Munere, iam primo pubentis lacte, potiri.

Quare age, quæ portent Nonæ tibi festa Decembres  
CHRISTO-FERE, aut quæ tu potius solennia Nonis,  
Primum nôsse iuvet. post, si volet augur Apollo,  
Quæ tibi, quas sorteis gentili sidera cœlo  
Prona ferant, quam certa fluant hinc fata, canemus.  
Deniq; quæ preculæ, quæ vœ imis nata medullis  
Vltra ipsas se penitrent suspiria nubeis,  
Haut frustrâ, remeentq; bonâ illinc feta salute.

Annus it, & longis stat nox duplicata tenebris,  
Alteraq; absoluunt, memores, septennia Nonæ,  
Ire diem, quâ te generoso prima marito  
Pignera coniugij æterni q; possiuit amoris  
EIRENE mater, LÆVIN O coniuge felix,  
Præsule quo tantum erexit sublimis, & altum  
PARTHENOPÆA alias supra caput extulit vrbeis  
Quantum omnes primo superabat Cæsare ROMA.  
Olli hac luce nouum exoreris iubar. illa lubenti  
Nascentem exceptare sinu pia patria ciuem  
Gestit plena spei, meritis intenta paternis  
Defore nulla vñquam generosæ semiina stirpi.  
Quâmtum magnifica cune! quam seria ubiq;

B

San-

20

Sanctaq. cura tui geritur ! tota aula propinquis,  
Visere ad optatum qui audi venere nepotem ,  
Perstrepit. ad finis genitrici opteria multus  
Certatim in precibus votisq. calentibus offert.  
Gaudia ducuntur passim, coniuia feruent  
Pocula proq. tuâ alternantur multa salute .  
Tumq; seuerarum TRIAS obseruanda sororum  
Fatalis proferre colum, atq. perennia vitæ  
Fila tuæ plenis visa est inuoluere fuis.  
Ipsi etiam, sat certa fides est, iacta Tonanti  
Fundamenta tuæ fortunæ, & dissita caussis  
Curriculi momenta suis. hæ maxima certò  
Momenta, in puerô & quæ jam præclara nitescunt.

Hæc qdè recolenda tibi, albentiq. lapillo  
Consignanda dies. hac, quæ tibi gratia cælo.  
Quæ terræ nutrici. & quæ natalibus aruis.  
Quæ patrio cineri. & quâ dum superante beatus  
Vsq; eris, heroæ genitrici. ac deniq; magno  
Debita quæ generi restet, memor. omnibus omne,  
Quod spiras, talis, tantâ indole, talibus artis  
Palladiæ laudumq; clues puer incrementis,  
Acceptum gratusq; feras referasq; sed isthunc  
In primis obfirma animum. crescentibus annis  
Entheus imminuat ne quâ vigor ; acre putrefcat  
Ne torpore male ingenium. ne qua atra tenelli  
Candorem labes corrumpat pectoris. ardens  
Ne pietatis amor, moreis, doctrina fatiscant.

Arden.

Ardentes quare gemitus, hymnosq. subinde  
Funde D<sup>E</sup>O. nec tu obsequio, nec parce labori.  
Sic faciles operis, atq; ad tua fata sequaces  
Experiere D<sup>E</sup>OS, & nostra potentia vota.

Hoc ubi sic mecum pensas prius, & tibi curæ est,  
Quas Sorteis, quæ fatæ nouo currentia cœlo  
Semonesq; hominum dicam, quos præscia rerum  
Prouidaq; euentū obscuri numina, ab ipso  
Partem flore Ducum, partem ipso flore medallæ  
Patriciæ, & virtute juâ clarentis ocellos  
Nobilitatis, & ipsa adeò de gente tuorum  
Legere autorum, quæis fas & vis simul omnis,  
Quæis immensus amor, studia indefessa, ministris  
Esse tibi fatorum, & dispensare benignè:  
Huc aduorte animum, cœlo patrioq; minutus  
Esse voles Deus. id poteris, fueris quoq; si non  
Aspernaris, & hoc aliquid patere esse, quod ecum  
Grande Genethliacis statuam tibi thema figuris.  
Quorsum ego nec cœli solers dimensor, inanes  
Machinulas domibus ter seetas voluo quaternis,  
Nec Promissores magnos peregrinaq; fingo  
Nomina, quæ fluidum sistant audita cruorem.  
Hæc plusquam humana pollens indagine tentet  
Astrorum speculator. humili nos serpere tutum,  
Conciliis superum mortalem intrudere sensum  
Ingerere audaceis animos, apponere curas  
Et vacuum & fatuum & multi res plena pericli est.

B 2

EST

21

Est æther tibi proclivus mecum, vnde timere  
Est pluias, tristemq; hiemem, fulmenq; verendum.  
Atq; itidem geniale auram, & vitale FauonI  
Expectare licet flamen, solesq; fauentes.  
Hunc mihi suspicias, quiq; illinc fulmine diui  
Et terrere queant, & blando vere serenent.

Si mihi nunc opulens diuini penna Maronis  
Chartam aret, & Genius dictet mihi carmen Homeri,  
Non sat ero, dignâ ingentem qui persequar arte  
Materiem. hæc miracla hominum, hæc Iouis. illa catena  
Quâ potè deuincire suo mortalia regno! (est,  
Sed neq; nunc operæ est, aliâ hæc exordia fini  
Fecimus. augusti heroes si nec tamen ab se  
Hæc leuia, & fôrs ob puerum quoq; friuola sfernunt  
Tenuia sit stricè ampliarum compendia laudum  
Prodita in exemplum dare degustanda iuuentæ.

Sed licet. & nunc ecce nouo tibi cardine ducam  
Sidereo proceres, sed quos nec prisca paternis  
Ritibus, & nec deterior noua Roma sacravit,  
Ast diuum genus, & virtutis splendor auitæ.  
Hi nec dum humanis secreti rebus Eoâ  
Indigetes micuere plagâ, cœlumq; potenti  
Lumine lustrauere tui gentile Patroni.

Tu modo, quæ nostri primum fundamen Olympi  
Et variè seclis versatos pluribus orbes  
Vna tenes. cuiq; astrorum vis constat ad vnguem,  
Albias VRANIAE, studiis linguaq; faueto.

Te mon-

Te monstrante modum, haut faciles pernōsse liquebit  
ERRONVM lapsūs. duce te mage certa capesset,  
Quæ fidi nostro documenta paramus alumno.  
Tu verò ex animo crassam, puer, exspue blenniam  
Perq. rudem hunc ludum artificis mysteria MVSÆ  
Disce aliis spectare oculis, nec te auferat error,  
Contemto risum præmI' satis esse Poëtæ,  
Liberior subido quantumuis fabula versu  
Misceat, & doctis moderetur seria nugis.

Deieret astrologus. credit pudor. id quoq. certò  
Persuasum est, perquām docili sublimia vulgo:  
Maxima vis homini quod cœlitus influat. at non  
Iam adstante D E O, non insistente, suopteq.  
Actu complente atq. agitante etiam omnia. Verùm  
Demandante vices flamis cœlestibus omnes  
Præcipue Erronum septem famulantibus astris.  
Quòd si fausto igni tibi luceat unus & alter,  
Sufficit, inuidiamq. aliorum nemo moratur.  
Hoc quoq. si verum esse putas, quid, si simul omnes  
Conspirant, posituq. tibi ostentantur amico?  
Quin facimus te, NATE, Deum cœloq. locamus!

Ergo ades, & patriam ERRONES rimare per  
Ecquæ sextuplici sinuēt discrimina gyro, (æthram  
(Septimus exesto. neq. enim qui sede supremâ  
Claudicet infami vetulus gerat omne falcam)  
Fortunate puer. proprii tūm quæ indiga motus,  
Sidera prona dehinc secum rotet extimus orbis.

B 5

Qui

22

Qui tibi iam primâ aureolus regione coruscat

JUPITER IVPPITER est diuo BRENNONum sanguine prin-  
IO. GEORG. Marchia quem dominum effuso latè vtrag træctu (ceps  
MARCHIO BRANNEN-  
BVRG. E- Agnoscit, longumq; fauenti & sospite gaudet.  
LECTOR. Cui quoq; se cœli summittunt cœtera nostri.

Is tibi non iam sp̄ondet opes, non sp̄ondet honores,  
Quod potē sed pr̄estat, quin immō pr̄estit. Ille est,  
Auspice quo (h̄em magni merita illa fuere parentis!)  
Impubi vestit sacrâ caput in fula vittâ (dram  
PRÆPOSITO, hoc patriam successor dante cathe-  
Prætextatus inis, nec inis modò. (Numina quantus  
Hic fauor est!) quin securō tibi destinat vltro  
Continuare amplam sedem, ut præuortere nulli  
Ius foret, & coruos mature excludit hiantes.  
Hunc mihi tu reuerere IOVEM, fer idonea dona  
Officiis olim, nunc frugis adôre litato  
Speratæ, gratæq; frequens cadat hostia mentis.

MARS BERN- Alter ab hoc toto rubicundior ore GRADIVVS  
HARTVS Emicat, hic patrui grato tibi nomine notus,  
LVDLEEVVS. Quò patriis illum fama accersuit ab oris,  
A. SCHVLN. patrum. Aulâ dignatus celebri morum esse Magister  
Marchiacâ antiquos retinet virtute Borussos.  
Is tibi, si qua rei fuat ardua caufsa gerundæ  
Consilia atq; manus promptas respondet, & artem  
Herculeis depugnandi fera monstra lacertis,  
Monstra, inquam, fallacum hominum, moresq; proteruos.  
Hoc malis, quam bella ferox, hæc optuma MARTIS

Dona

Dona tui gemmis nullus, nemo æstimet auro.

Quid iam? quid tristi cælum se findit hiatu  
Heu fatum crudele! suo quid tertius orbis  
Igne vacat. totumq. ater deformat Olympum?  
Est noster sine sole polus. Fors integra nusquam est.  
Care puer, tibi quippe tuus Sol occidit. O Sol  
Qui desiderium æternum, æternasq. querellas  
Defecti cæco liquisti luminis orbi!  
Occiduum diuina animi lux esse negārat.  
Senserat igniculos orientes Itala tellus.  
Medoacus patriæ inuidit. colit Adria. & ipsi  
DI' terræ pater Eridanus Tyberisq. celebrant.  
Inde redux, natale solum, bis Præsul, & oram  
Circum omnem inlustrat. mox aulâ splendidus omni  
Vndig, dispersit radios. nec iam tulit æstum  
Saxo. Pharetrigeras penitrat fax Marchica gentes.  
Æstuat attonitus Tanais non Vistula dirus  
Stinguere, nec gelidæ valuere Borystenis vndæ.  
Sit pax, ô sacri cineres, tenui bona cæpto.  
Vos animo indulgete pio, quod demitis arti.  
Quos ego votiuâ cum relligione frequentans,  
Natorum sacros mirabor in indole manes.  
Nec verò moror hēic, vetus vt rescalpta cicatrix  
Crudescat grauior, nec vt integranda recentem  
Iusta patri, ô Nati pietas. hæc summa tenorg.  
Propositi est: radius vt i mentem accensus ab illis  
Te dignos animos tollas, te fospite, certus,

Θ. SOE.

LAEVINVS  
A. SCVL-  
LENBVRK  
DEC. MAG.  
ET. PRAE-  
POS. H A-  
VEL. P. M.  
pater.

Saxo

23

Saxona non aliun ab LÆVIN O quærere Solem.

Interēt igniculis iam scintillantibus addent

Iapetioniæ fomenta perennia Virgæ

Quas acuitq; animatq;, viceis quo i cura sequestras

Imposuit patris, vt cuius spectata relictos

Pupillos & opes tutela capeſſeret orbas,

THOMAS. A Inclutus ille nepos KNESBEK A e gente, tibiq;

KNESBECK SCHVLNburga de matre amitinus. Sanguine THO-

Nobilis ingenione magis, prima hæserat ætas. (MAS

Certāratq; domus Genio longum incluta virtus

Certamen, merita bæc cumulari publica paſſim

Dum probat; antiquum generis decus oggerit ille.

Partus honos litem hanc dirimit, cauſamq; perorat.

Quin adeò ipſus apex meritò cluit vnicus artis

Palladiæ. paradox a ſacris ſeu myſtica libris

Cernere; ſeu legum nodos operoſaq;. clari

Scita fori; inlustreis ve Suādæ melle coronas

Ducere; consiliis firmare ſalubribus aulas.

Olli cum primâ cura & ſtudium acre iuuentâ

Infuit argutæq;. liræ plectriq; ſuperbi.

Olli deliciæ teſtudo Musica, Atlantis

Quam catus iſte nepos, offendiculum pedis, arti

Donauit, iuſſitq; ſuauiftridere neruo.

Prōinde quid eſt cauſæ, ſpacia hic quin tertia complens

Defuncti tibi SOLIS equos regat Alter APOLLO

Luminis iuſtinetu adſiduo, & fulgore potenti

Aucturus patriâ reliquim ſub mente calorem.

Vt

*Vt placet hæc quarto surgens in vortice stella?  
Quid gestis? blandamq. agnoscis in omne lucem  
Defectus oblite patris? non falleris, ô non.  
Illa tibi CYTHEREA cluet lectissima mater.  
Quæ, quantum primas Venus anteit aurea stellas  
Augustas inter tantum eminet heroinas,  
Nobilis EIRENE, Comites ALVONIA neptis  
Gente suâ numerans proauos, nunc desita stirpi,  
Virtutum & decorum titulis insignia pensat.  
Huic ego, quād, si sit, gratā apparere Camenā  
Discipiam! tantum est meritorum in nulla merentem.  
Huic ego, plus animā hac soluens, nolim ve velim ve  
Ingratus viuamq. etiam moriarg. necesse est.  
Tu tu agnosce Deam, quād, in tua commoda tota  
Pendeat, aduorte ô fili. huius muneric omne est:  
Quod nitor ætherius roseo tibi candidat ore.  
Quod tenera in scitis adolescit moribus ætas.  
Cætera ne quòdam referant vim luminis abs te  
Ip̄sa interueniens Dea mascula temperat astra.  
Muneris huius erit, sociam si quando requirent  
Maturi thalami dignam coniungere. amoreis  
Interea quos pulcer alas obiectat: auti  
Exemplar d'coris, virtutum artisq. paternæ.*

*Olli indiuividus latero it comes, & quatit arcum  
LÆVINELLVS EROS, matris pia cura, parenti A. SCHVLN.  
Omnia diuino similis vultumq. habitumq.  
Ingenium exemplo stimulans, quamuis minor annis*

IV.  
VENVS.  
FREDE AB  
ALVENSLEB.  
mater.

CUPIDO.  
LAEVINVS  
parenti A. SCHVLN.  
LAEV. FIL.  
frater.

C

Pluri-

24

Pluribus. hā si te, mi bellule, Morta maligno  
Non limabit oclo, nil iam isthōc nomine maius (iam  
Gens SCHVLNBVRGA ferax herōum viderit. &  
Gloria ALEXANDRI peregris toto orbe laboret.  
Tantum etiā crudā spēctamus in indole robur.  
Hoc animo es primis tener vnguibus. hæc Geniu vis  
Nescia rectricis ferulæ, vrgentisq. bacilli.  
Tu mibi, dum obsequio iussum, studioq. laborem  
Anticipas, alacriq. operas absoluere nisu  
Confuescis, duræ pondus leue disciplinæ  
Mi facis, atq. operæ tecum precia integra nostræ  
Fers docilis, blandum sudanti multà magistro  
Solamen, fessog. creas grata ocia ludo.  
Cresce hoc ingenio mactus, mi pusio, cresce  
Sic dēcoris iuxtim patrii ceu nominis heres.  
At tu, qui longo curris prior interuallo,  
CHRISTO-FERE, ingemina passūs. en feruidus in-  
VestigI's, calcemq. teret iam calce puellus. (stat  
Impiger ante uola, & iusto præuorte pudori.  
Hoc volet, immò id agit diā cum matre CUPIDO.

Nunc ellum, tibi de quincto CADVCIFER arcus  
Ridet Atlantiades, & amicis porrigit ora  
Nutibus. ALVONVM inlustri de sanguine cretus  
LVIDLEEFVS. qui te de matre sorore nepotem  
Cordi habet, & curat germanā haut segnius ipsā.  
Verus ATLANTIADES, quo nec matura iuuentus  
Matueros animos magnos stimulauit in ausūs

Vifere

v.  
MERCVRIVS.  
LVIDLEE-  
FVS AB AL-  
VENSLEBEN.  
annuntiis.

Succedent studio & fidei, non cælifer Atlas  
Alcēidem, non Æacidem melioris alumnum  
Frugis Amyntorides Phœnix eduxerit ! ô sic  
Disciplina suos solabitur ipsa laboreis !  
Hoc quoq; sit dubitare nefas. ni maxima quæq;  
Frustrâ habeat persæpè hominum Fortuna nouerca.  
Quod tibi sub finem deuotus abominor. & quem  
Fert animus, res ipsa iubet, fatig. sequestro  
Anticipant momenta DEO, mactare precatu  
Occupo te, omnibusq. polo accensere secundis.  
At sumam hēic nequicquam operam prolixior, vt quoi  
Dextra fauoroſo proclinant numina nutu,  
Ipsaq. fidere& respondet conscientia molis  
Machina frustratura viceis liuentis acerbis  
Fortunæ, æternumq. bonæ iussura tenorem.  
Diuitias optem? Cereali prædia campo  
Stant feta omnigenæ frugis, cælog. minantur  
Arcis tecta nouæ, studii monumenta paterni.  
Ingenium? patriâ ſeſe exjerit indole Pallas  
Ac operâ ingentem meditatur præcoce fructum.  
Nomina & insignes titulos? Iam plenus honoris  
Impuber flores, certus maiora potiri.  
Hoc ſuperest: MENTEM esse BONAM tibi ſem  
Vt cœpere ſemel, prorsùs, fatalia curſu (per, eodemq.  
Ire deūm decreta. mei hæc ſumma vñica voti  
Eſto. ubi me illius, ceu ſtat fiducia, rector  
Damnārit ſuperūm: deſideria vltima matris

Et

27

*Et mea, spemq. propinquorum superaueris omnem.*

*Sic tibi mens animi, res & laus parta vigore  
Floreat æterno. genitor sic Albis & alma*

*PARTHENOPÆ genitrix te ciue superbiat. ipse  
Cornua summittat, piscoaq. tendat Harelus*

*Brachia PRÆPOSITO, & niueo obfessum agmine  
Læta patri patriæ plaudentes cogat olores. (litus*

*Deniq. cum virtute æuo crescente, per omnem  
Fama tuas laudes mundi disseminet oram.*

*Audiat Oceanus, orbi circumflua Thetys  
Succinat, & plausus intesonet Amphitrite.*

*Hauriat æthra, nouo insternatq. Sedilia diuo.*

*Sic ego. sic omnis res mecum humana. corusco  
Albicat ab læuâ superum mihi fulgure cœlum,*

*Insimul intonuit dextro pater obuius igne.  
Nutanere poli, auratas via lactea portas*

*Admissura Deum pandit. iam Signifer arcum  
Dissignat vacuosq. foros. Stant sidera præstò*

*Exceptura nouum indigetem, mox auëtior æther  
Gestit, amœna nouam exspectant conuexa figuram.*

*Ast oculus saliit dexter mihi. fausta, triumpho,  
Sponte subire suâ felicibus omina votis.*

*Hunc tibi sylvestrem nimfæ Labecides orsum,  
Cum starent sua iam glaciali marmore regna,*

*Muséis infesto operis cecinere Decembri.*

*CHRISTO-FERE, ad sensuq. frequens allusit Oreias  
Luppia, delicium cœli campestris, amœnum*

*Cino*

Cincta caput corylis, quas crebra interpolat vlmus.  
Insuper aggesto squalens multo osse, prioris  
Relligionum æui superantibus argumentis.  
Luppia diua mibi æstiuo solamen ab æstu  
Mobilibus quatiens genialem frundibus auram,  
At nunc ingratæ filis incomta pruinæ.  
Conscia lætitiae, nec rari conscia luctus  
Dum tua in immiti scrutamur gramina spinâ,  
Inq. vicem alternas resonare docemus auenas.  
Hanc tu, et si tenuem, non auersatus opellam,  
Si sapis, ut monimen fidei, testamen amoris,  
Muneris instar habe. longè præsentius istis,  
Fortè subornatus modò quæ tibi friuola ponit  
NICOLE OS. superumq; memor, nostriq; VALETO.


Ludebam Schochvvitz, Schul-  
lenburgen: heredum Læv. F F. a. d. Nonas  
Decembreis. D. Nicolai. Vigilijs Anno  
O. R. cl b XIC.



Scipio Sebaldus medebit  
Inscriptio: Fredericu: Iosephu: E. B. Noss  
Decimopicti Visconti Filii anno  
CIX d. ab. L. O.







ULB Halle  
001 853 031

3



5b.

Barcode hängt a.  
1. angeb. Stück, da 1. Stck. nicht i. Bd.


Stk. 6a nicht erf., oda.  
handschrift

12a unvollst., nicht  
erfäßt



## Farbkarte #13

B.I.G.



PARIS ARNOLDI.  
LENSLEBI. SAX: M.

S  
ENE TH  
IAC VM.

M. Io. Arnoldi Fr.  
recens editum:



MAE--STADII Excudebat  
SVS LVCIVS Transyl:  
ANNO. O. R. ab. b. xci.